

de ac si Literæ hujusmodi eis concessæ non fuissent, aut ipsi Habitum hujusmodi non suscepissent, ac prædictas Literas tam concessas, quam concedendas, illis, quoad gratias, & privilegia, ac exemptiones hujusmodi, nullatenus suffragari posse, perinde ac si minime emanassent.

§.3. Sicque, & non aliter per quoscumque Judices Ordinarios, & Delegatos, etiam Causarum Palatii Apostolici Auditores, & S.R.E. Cardinales, judicari, & definiri debere, ac irritum, & inane, quid quid secus super his a quoquam, quavis auctoritate, scienter, vel ignoranter contigerit attentari.

§.4. Quocirca Venerabilibus Fratribus Toletan., & Hispalen. Archiepiscopis, ac dilectis filiis nostro, & Apostolicæ Sedis in Regnis Hispaniarum Nuncio, & Causarum Curie Camera Apostolicæ generali Auditori per præsentem committimus, & mandamus, quatenus ipsi, vel quicumque illorum præsentis Literas, & in eis contenta quæcumque, ubi, & quando opus fuerit, ac quoties pro parte cujuscumque Ecclesiarum Præfultis, aut Capituli, vel personæ Ecclesiasticæ secularis, vel cujusvis Ordinis Regularis, fuerint requisiti, solemniter publicantes, eisque in præmissis efficacis defensionis præsidio assistentes, faciant auctoritate nostra præsentis Literas debitæ executioni demandari: Contradictores quoscumque per censuras, & pœnas Ecclesiasticas, aliaque opportuna juris, & facti remedia, appellatione postposita, compescendo, invocato etiam ad hoc, si opus fuerit, auxilio brachii secularis.

§.5. Non obstantibus sc. re. Bonifacii Papæ VIII. Prædecessoris nostri de una, & in Concilio generali edita de duabus dietis, dummodo ultra tres dietas aliquis auctoritate præsentium ad iudicium non trahatur, aliisque Constitutionibus, & Ordinationibus Apostolicis, ac dicti Hospitalis S. Joannis Hierosolymitani, etiam juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, Indultis, & Literis Apostolicis eidem Hospitali, illiusque Magno Magistro, Conventui, ac Fratribus, etiam ipsismet de devotione nuncupatis, sub quibuscumque tenoribus, & formis, ac cum quibusvis etiam derogatoriis derogatoriis, aliisque efficacioribus, & insolitis clausulis, ac irritantibus, & aliis decretis in genere, vel in specie, ac alias in contrarium præmissorum quomodolibet concessis, confirmatis, & approbatis: Quibus omnibus, & singulis eorum tenores præsentibus pro expressis, & ad verbum insertis habentes, hac vice dumtaxat specialiter, & expresse derogamus, cæterisque contrariis quibuscumque.

§.6. Volumus autem, quod præsentium transcriptis etiam impressis, manu alicujus Notarii publici subscriptis, & sigillo alicujus personæ in dignitate Ecclesiastica constitute munitis, eadem prorsus fides adhibeatur, quæ ipsis præsentibus adhiberetur, si forent exhibitæ, vel ostensæ.

Datum Romæ apud S. Marcum sub Annulo Piscatoris die 27. Junii 1602. Pont. Nostri Anno Undecimo.

CCLXXXI.

Declaratio quod non liceat per literas, seu internuntium confessario absenti, peccata Sacramentaliter confiteri, & ab eodem absente absolutionem obtinere. Et prohibitio hanc propositionem docendi, defendendi &c.

Sacrosanctissimus D. N. D. Clemens Papa VIII. &c. Auditis votis Patrum Theologorum, & re cum Illustris. & Reverend. Dominis Card. contra hæreticam pravitatem generalibus Inquisitoribus, mature, ac diligenter considerata.

§.1. Hanc propositionem, scilicet, licere per literas, seu internuntium Confessario absenti, peccata Sacramentaliter confiteri, & ab eodem absente absolutionem obtinere, ad minus uti falsam, temerariam, & scandalosam damnavit ac prohibuit.

§.2. Præcepitque ne deinceps ista propositio publicis, privatimve lectionibus, concionibus, & congressibus doceatur, neve unquam tanquam aliquo casu probabilis defendatur, imprimatur, aut ad praxim quovis modo deducatur. Quod si quis illam docuerit, defenderit, imprimi fecerit, aut de ea etiam disputative tractaverit (nisi forsan impugnando) vel ad praxim directe, seu indirecte deduxerit, præter excommunicationem late sententiæ, quam ipso facto incurrat, & a qua non possit (præterquam in articulo mortis) ab alio quacumque etiam dignitate fulgente, etiam S.R.E. Majori Pœnitentiaro, nisi a pro tempore existenti Romano Pontifice absolvi, aliis etiam pœnis arbitrio infligendis, subjaceat.

In Generali Congregatione Sanctæ Romanæ, & universalis Inquisitionis habita in Palatio Apostol. in Monte Quirinali, die 20. mensis Julii 1602.

Quintilianus Adriaqus Not.

CCLXXXIII.

Ampliatio Constitutionis Gregorii XIII. circa deposita apud Montem Pietatis de Urbe faciendæ. Et jurisdictionis concessio illius Protectori, & Judici, in causis ipsius Montis interesse concernent.

Montibus Pietatis nihil ultra id, quod Ministrorum expensis, & indemnitate necessarium est recipere, licitum esse declaravit Gregor. XIII. in sua Const. CLXXII. Inter Tom. IV. Par. IV. fol. 76. Et jus visitandi hujusmodi Montes, sicuti alia loca pia, spectare ad Ordinarios, declaravit Conc. Trident. in sess. 22. cap. 8.

CLEMENS PAPA VIII.

Ad perpetuam rei memoriam.

Quæ ad pietatis, & charitatis opera præsertim in Alma Urbe nostra exercenda,

Re in Congr. S. Officii examinata;

Declaratio prout in Rubrica.

Prohibetque, prout ibidem.

Dat. die 10. Julii 1602. An. XI.

Exordium.

ceda, pauperumque, & miserabilium personarum necessitates sublevandas pie, & provide instituta, & ordinata sunt, ut firmius subsistant, & inviolabiliter observentur, libenter confirmamus, & ampliamus.

Gregor. XIII. deposita supra summam scilicet. penes Montem Pietatis deponitur.

§.1. Cum itaque sicut accepimus dudum se. re. Gregorius XIII. Prædec. noster omnibus, & singulis Romana Curie Judicibus tam Ecclesiasticis, quam secularibus etiam S. R. E. Card. & causarum Palatii Apostolici Auditoribus, Motu ejus proprio præceperit, & mandaverit, atque statuerit, ut in quibuscumque causis &c. Omittitur tenor hujus narrativæ, quia habes ipsam Bullam suo loco.

Hic modo Pontifex confirmat dictam Const. Gregor. XIII. & aliorum Pont.

§.2. Verum, quia sicut etiam accepimus, super præmissis aliqua ortæ fuerunt controverciæ, & propterea omnem desuper dubitandi materiam de medio tollere, eaque innovare, ac in aliquibus declarare, & etiam ampliare volentes, ac literarum prædictarum, necnon privilegiorum, facultatum, concessionum, gratiarum, & indultorum quorumcumque eidem Monti, illisque Archiconfraternitati, ac dilectis filiis, illorumque Protectori, Provisoriibus, Officialibus, Archiconfratribus, & Ministris quomodolibet concessorum tenores, & veteriores præsentibus pro expressis habentes, Motu proprio, & ex certa nostra scientia, deque Apost. potestatis plenitudine, literas prædictas, ac omnia, & singula in eis contenta, ac inde sequuta, & sequenda quæcumque, ac alia privilegia, indulta, immunitates exemptiones, facultates, & gratias Monti, illisque Archiconfraternitati, ac dilectis filiis illorum Protectori, Provisoriibus, Officialibus, Archiconfratribus, & Ministris per prædictum Gregorium, ac pie me. Paulum III. Julium etiam III., ac Paulum IV., & Sixtum V., & quoscumque alios Romanos Pont. Prædecess. nostros, ac Nos, Sedemque Apost. sub quibuscumque tenoribus, & formis quomodolibet concessa, ac inde sequuta, & sequenda quæcumque Apost. auctoritate tenore præsentium perpetuo approbamus, & confirmamus, eisque perpetuæ, & inviolabilis Apost. firmitatis robur adjicimus, ac omnes, & singulos tam juris, quam facti, & solemnitate de jure, usu, & consuetudine requisitarum, vel alias quomodolibet necessariorum, & quovis alios etiam quantumvis substantiales defectus, siqui in eisdem, seu in eorum aliquo intervenerint, supplemus, eaque omnia, & singula innovamus, & quatenus opus sit, Monti, & Archiconfraternitati, ac Protectori, Provisoriibus, Officialibus, Archiconfratribus, & Ministris prædictis, & eorum singulis, auctoritate, & tenore prædictis etiam perpetuo de novo concedimus.

Dubiaque desuper exorta declarant ad favorem Montis.

§.3. Et insuper, quod omnes pecunie redigendæ, & hæstenu redactæ tam ex subhastatione, & venditione quorumcumque bonorum deceptorum, & aliorum, vel in omnem casum ubi discussio bonorum sit, quam ex exactione creditorum litigiosorum, etiam si consensu partium subhastatio,

venditio, & exactio fiat, necnon totum pretium omnium rerum per subhastationem venditarum, & vendendarum, ac pecunie, & bona durante judicio discussio-nis exigent., & colligen. per Judices causarum discussionis, ac per Cursores, & Mandatorios, seu per quoscumque alios ad id deputatos, etiam in causis criminalibus, ac pretium bonorum stabilium, vigore constitutionis super jure congrui per d. Gregorium Prædecessorem editæ venditorum, & vendendorum, in d. Monte effectualiter, & in numerata pecunia deponantur, etiam si per cedulam Campforum solvere promittentium, seu Mercatorum oblationes fiant, in casibus prædictis. Nec non quoties ex aliqua dispositione etiam per Nos, vel Successor. Nostros aliquod depositum penes Ædem sacram, aut personam fidei, & facultatibus idoneam erit faciendum, censetur Mons Pietatis hujusmodi ad id specialiter deputatus eo ipso, ipsaque pecunie per d. Montis Officiales, sicut cætera deposita inibi faciendæ, exigi possint, & debeant.

§.4. Et si super præmissis, ubi faciendum sit depositum, dentur penes acta Notariorum aliqua cedula quorumcumque Campforum, vel Mercatorum, etiam si in eis dicatur, quod d. Mercatores se obligent, nulla facta mentione depositi, sed simpliciter, vel alias promittant, aut se obligent de solvendo, animo se revulendi a quibuscumque obligatis, seu interesse habentibus, vel d. Mercatores faciant, aut creent illos debitores in eorum libris, vel alias ad partes in casu faciendi depositi, ut supra, d. cedule nullatenus suffragentur, sed semper ad deponendas pecunias in eodem Monte cogantur, nisi cedula hujusmodi ad favorem, vel instantiam Camera, & Fisci nostri factæ essent. Quibus solas cedulas suorum depositariorum sufficere, & suffragari volumus.

§.5. Necnon Cursores, & Mandatarii prædicti, totum, & integrum pretium omnium rerum per subhastationem vendendarum, etiam in causis Criminalibus, satisfacto prius per eos eisdem creditoribus, qui d. bona subhastare fecerunt, penes eundem Montem integre, realiter, & cum effectu statim omnino deponant, & deponi curent, & donec non sit factum dictum depositum, non possint, nec debeant de eorum mercede pro actu deliberationis tantum debita satisfieri.

§.6. Quod quomnes, & singuli Notarii prædicti non possint recipere d. deposita, sive in pecunia, sive in cedulis faciendæ, sed illa statim ad d. Montem transmittere teneantur, sub d. auctoritate ducatorum, & aliis arbitrio pro tempore existentis dicti Montis Protectoris imponendis, & applicandis pœnis.

§.7. Et quod super pecuniis depositatis in dicto Monte non possint fieri, nec apponi aliqua sequestra, minusque aliqua inhibitiones nec mandata de non solvendo, seu de non consignando, nec aliqua alia impedimenta circa ea fieri possint, præterquam ad instantiam Camera, & Fisci, nisi de man-

Cedula Mercatorum nulla sit in casibus mox declaratis.

Cursores pretium rei subhastate 1602 deponant.

Notarii in eisdem casibus deposita, & cedulas Montis consignent.

Sequestra que & quando Mons accipere debeat.

mandato, & ordine Protectoris dicti Montis pro tempore existentis, seu Judicis ab eo deputati, sed sequestra, inhibitiones, & alia impedimenta predicta fieri possint tantum super cedula, qua a Ministris, & officialibus Montis in fidem, & testimonium facti depositi fieri solet, & penes acta Notarii causa, ob quam factum est depositum, exhibita, & producta fuerit, ubi confido de justificatione eorumdem sequestrorum Judex causa mandabit in calce, vel a tergo ejusdem cedula, cui solvenda fuerint pecuniae depositatae: cujus quidem cedula, & mandati in ea appositi vigore, officiales, & Ministri ejusdem Montis, quibus dicta cedula repraesentata fuerint, pecunias juxta mandatum Judicis causa solvere tenebuntur. Decernentes, & declarantes sequestra penes eundem Montem, & super illius depositis alias quam, ut praefertur, apposta, & facta, nullius esse roboris, vel momenti, ac Montem, ejusque officiales, & Ministros praedictos etiam quod de facto penes eos exequuta fuissent, nullo modo efficere, vel obligare, minusque ipsos ad illa recipiendum acceptandum, vel admittendum teneri, sed perinde haberi, ac si facta non fuissent.

§.8. Ac volentes, & dicta auctoritate statuentes, quod pro tempore existens dicti Montis Protector, seu Judex ab eo deputatus, ad omnem simplicem Provisorum, Officialium, & Ministrorum ejusdem Montis nunc, & pro tempore existentium requisitionem, & instantiam, omnia, & singula deposita ut praefertur facienda penes dictum Montem, & non apud aliquem Mercatorem, seu Aedem Sacram, vel aliam quamcumque personam realiter, & cum effectu fieri faciat, pretiaque quorumcumque bonorum tam stabiliu, quam mobiliu, & semoventium per subhaftationem, & deliberationem, ac pecuniae in causis discussionum colligenda, & omnium aliorum praedictorum, in quacumque Curia, & Tribunali Urbis, etiam Criminali, tam per Cursores nostros, quam quovis alios Mandatarios vendendorum redigenda, ac etiam pretia ex retractione, seu alias vigore d. constitutionis juris congrui de mandato, & decreto dilectorum filiorum S. R. E. Camerarii, & Magistrorum Viarum, seu aliorum deponenda, ac in omnibus casibus, in quibus depositum erit faciendum, in eodem Monte, & non alibi deponi, ac omnia residua pretii quorumcumque pignorum tam venditorum, quam vendendorum a quibuscumque Hebraeis, per mandatum Cardinalis Camerarii, & acta illius Notarii ad id deputati, de cetero juxta facultates eidem Monti per praedictos Julium III., & Paulum IV., & alios quoscumque Romanos Pontifices Praedecessores nostros concessas effectualiter deponi debeant in d. Monte, ad effectum illa restituendi veris Dominis juxta mandatum, & ordinationem per Card. Camerarium, & acta sui Notarii desuper facienda, ita ut facta venditione ipsorum pignorum, ac pretii eorumdem solutione, infra octo dies omne, & totum, ac integrum resi-

dum penes dictum Montem realiter, & cum effectu, ac omnimoda, & dilatione penitus, & omnino semotis, atque cessantibus, deponi debeant sub poena unius scuti pro quolibet pignore, applicandi pro medietate ipsi Monti, & pro alia medietate Notario pignorum Hebraeorum.

§.9. Ipseque pro tempore existens Protector singula praemissa, & alia quaecumque in praedictis, ac praesentibus literis contenta ab omnibus, ad quos nunc, & pro tempore quomodolibet spectabit sub praedictis, & aliis pecuniariis ejus arbitrio imponendis, moderandis, & applicandis poenis, ac etiam censuris Ecclesiasticis in omnibus, & per omnia inviolabiliter observari, & adimpleri mandet, faciat, atque procuret, necnon contra quosvis etiam criminales tam Gubernatoris, quam omnium aliorum dictae Urbis Tribunalium Notarios, quos etiam sub eisdem praesentibus literis comprehendi volumus, & comprehensos fore, & esse decernimus, & declaramus. Ita ut dicti Montis provisos, Officiales, & Ministri, ad deponendum pecunias, ut praefertur, exigendas contra quoscumque depositarios, ac quavis alias tam seculares, quam Ecclesiasticas cujusvis status, gradus, ordinis, & conditionis existentes personas, quantumvis privilegiatas ex officio agere possint, & valeant. Ipseque Protector adversus singulos praemissis, aut eorum alicui pro tempore quomodolibet contravenientes, etiam per Inquisitionem, ac criminali, & carcerationis via, aut alias, prout ei bene visum, & magis expediens fuerit, procedat, ac poenas per eum imponendas hujusmodi a quibuscumque contravenientibus irremissibiliter exigat, & arbitrio suo applicari mandet, aliaque omnia, & singula faciat, gerat, & exequatur, quae in praemissis, vel circa ea necessaria fuerint, seu quomodolibet opportuna.

§.10. Praeterea pro faciliiori, & celeriori litium, & controversiarum, quae tam occasione praemissorum, ubi agitur principaliter de interesse ipsius Montis, quam alias adversus Montem, & Archiconfrater hujusmodi, seu illius Ministros haecenus orta sunt, & oriri contigerit in futurum, pro tempore existenti dicti Montis Protectori omnes, & singulas lites, causas, & differentias tam civiles, quam criminales, ac mixtas tam super depositis hujusmodi respectu interesse dicti Montis haecenus quomodolibet factis, & faciendis, quae Montis, seu Archiconfrat. hujusmodi bonis, rebus, juribus, & actionibus quibuscumque, necnon locationibus, venditionibus, donationibus, legatis, fideicommissis, testamentis, hereditatibus, & illarum discussionibus, ac quibuscumque aliis dispositionibus, juriumque, & actionum, cessionibus, & aliis quibuscumque inter vivos, & causa mortis, vel quasi contractibus etiam vim Cameralis obligationis habentibus, interesse Montis, & Archiconfr. hujusmodi etiam occasione hujusmodi depositorum, ubi agitur, ut supra de interesse Montis, & tamquam principaliter, etiam per viam necessariae defensionis, & alias

Protector Montis contra inobedientes procedat.

Protector sit Judex omnium causarum in territorio Montis, & Archiconfrat. hujusmodi cum amplissimis facultatibus.

alias quomodolibet concernen, inter dictum Montem, five illius Provisos, & Officiales, & Ministros pro tempore existentes, ac quascumque alias tam laicas, quam ecclesiasticas cujuscumque status, gradus, ordinis, dignitatis, & conditionis, vel praeminentiae existentes personas, qualitercumque privilegiatas, Universitates, Societates, Congregationes, Collegia, ac tam virorum, quam mulierum Monasteria, Hospitalia, & alia pia loca quaecumque, privilegia, seu indulta desuper habentia, seu habere praetendentia, tam communiter, quam divisim, & tam active, quam passive, ultro citroque, ad invicem, vel alias quomodolibet motas, vel movendas, ac etiam per appellationem, & in quacumque instantia, coram quibusvis Judicibus etiam Caesarem Palatii Apostolici Auditoribus introductas, & indecisas pendentes, quae omnes, & singulas ab ipsis Judicibus harum serie ad nos avocamus, & reassumimus, per se, vel alium, seu alios, quem, seu quos ad hoc duxerit deputandum, seu deputandos, etiam summarie, & de plano, ac simpliciter, & sine strepitu, & figura iudicii sola facti veritate inspecta, & etiam manu regia, omni, & quacumque appellatione, reclamacione, revisione, recurso, & restitutione in integrum remotis, cum omnibus, & singulis suis incidentibus, dependentibus, emergentibus, annexis, & connexis, ac toto negotio principali, etiam privative quoad omnes alios, & singulos Judices ordinarios, & delegatos, & Cam. Apost. Generalem Auditorem, etiam ubi agitur vigore obligationis Cameralis, eorumque Curias, & Tribunalia Ecclesiastica, vel secularia audiendas, cognoscendas, decidendas, sineque debito terminandas, necnon quoscumque adversarios, & alios interesse habentes, tam in dicta Curia quam extra eam, etiam per edictum publicum, confido sibi summarie de non tuto accessu, citandi, ac quibusvis etiam Judicibus dictae Curiae, & personis quibus, & quoties opus fuerit, sub sententiis, censuris, & poenis Ecclesiasticis, & etiam pecuniariis, aliisque poenis prout sibi videbitur, inhibendi, & in eventum non partitionis ad declarationem incursum censurarum, & poenarum hujusmodi procedendi, ac sententias desuper ferendas debite executioni demandandi, seu demandari faciendi, contradictores quoslibet, & rebelles, ac praemissis non parentes, eisque quovis pretextu, seu quovis colore se quomodolibet opposcentes, per similes censuras, & poenas, aliaque opportuna juris, & facti remedia compescendi, ac brachii secularis auxilium invocandi.

§.11. Necnon quaecumque dubia, & difficultates, si quae praemissorum occasione quomodolibet oriri contigerit, declarandi, & interpretandi.

§.12. Ac quaecumque edicta, statuta, & ordinationes pro executione praemissorum, sub quibusvis poenis sibi beneficiis condendis, & condita mutandi, seu in toto, vel in

parte abrogandi, illaque imprimendi, & etiam per affixionem publicandi, omniaque, & singula alia in eisdem singulis praemissis, & circa ea necessaria, seu quomodolibet opportuna, eique benefica faciendi, exequendi, etiam omni, & quacumque appellatione remota plenam, liberam, & omnimodam facultatem, potestatem, & auctoritatem perpetuo tribuimus, concedimus, & largimur.

§.13. Quodque omnes, & singuli dicti Montis Officiales, & Ministri, tam civiliter quam criminaliter, pro negociis, rebus, & bonis ad dictum Montem vere, & principaliter spectantibus, & pertinentibus, alicubi tam judicialiter, quam extrajudicialiter conveniri, & molestari non possint quam coram d. Protectore, seu ab eo deputando, contra quos omnes, & singulos Officiales, & Ministros, videlicet Depositarios, Custodem, Capserium, Computisiam, & alios quovis nomine nuncupatos, tam praesentes quam futuros, & eorum fidei iustores, seu approbatores, ac eorum bona quaecumque ubicumque, & in quibuscumque rebus existentia, pro redditione eorum administrationis, & pro eorum debitis ad favorem dicti Montis contractis, & contrahendis praedictis, Mons ac ejus Provisos, & Officiales idem jus, & privilegium, eandemque actionem, in omnibus, & per omnia, ac pariformiter, & sine ulla profusa differentia, habeant, & potiantur, ac exercere possint, & valeant, quae Cam. Apost. ac Fisco nostro, contra illorum debitores de jure, usu, consuetudine, aut alias quomodolibet competunt, aut competere poterunt in futurum, non tamen contra ipsam Cameram, aut illius Fiscum.

§.14. Quodque solitis depositis de mandato cujuscumque Judicis competentis, nec Mons, minusve ejus officiales ulterius teneantur, nec remaneant obligati, non obstante quacumque appellatione, quae contra mandatum ejusdem Judicis fieri possit.

§.15. Decernentes praesentes literas, & in eis contenta quaecumque nullo umquam tempore, etiam ex eo, quod Notarii etiam criminales Gubernatoris, ac aliorum omnium dictae Urbis Tribunalium, & eorum creditores, & quicumque colligantes dicti Montis, ceterique interesse habentes ad hoc vocati non fuerint, nec eisdem praemissis consenserint, aut alias de subreptionis, vel obreptionis, aut nullitatis vitio, seu intentionis nostrae, vel alio quocumque defectu notari, impugnari, retractari, seu in jus, vel controversiam vocari, aut ad terminum juris reduci, vel adversus illas quodcumque juris, vel facti, aut gratiae remedium impetrari posse, neque sub quibusvis similibus, vel dissimilibus gratiarum revocationibus, suspensionibus, limitationibus, aut aliis contrariis dispositionibus per Nos, aut alios Rom. Pont. Praedecessores, seu Successores nostros sub quibuscumque verborum expressionibus, & formis etiam motu, scientia, ac potestatis plenitudine similibus, pro tempore factis, & faciendis com-

Officiales alicubi conveniri non possint, & contra eos pro administrationis Montis utatur privilegium Cam. Ap.

Solutio Montis pro via iudicis de iure tura est.

Clausula hujusmodi concessionum praeservanda.

Et signanter declarandi duobus super praemissis.

Statuta, & edicta edendi.

comprehendi, sed semper ab illis, & quoties illa emanabunt, toties in pristinum, & eum, in quo ante praemissa quomodolibet erant statum, restitutas, repositas, & plenarie reintegratas, ac de novo etiam sub data per Provisores, Officiales, & Ministros dicti Montis pro tempore existentes quomodocumque eligenda, de novo concessa esse, & fore, suumque plenarium, & integrum effectum sortiri debere.

Clausula sublata &c.

§.16. Sicque per praedictum Protectorem, & alios quoscumque Judices, & Commissarios quavis auctoritate fungentes, etiam dictos Auditores, ac S.R.E. Card. sublata eis, & eorum cuilibet quavis aliter iudicandi, & interpretandi facultate, & auctoritate, ubique, & in quacumque instantia iudicari, & definiti debere, irritum quoque, & inane, si secus super his a quoquam quavis auctoritate, scienter, vel ignoranter contigerit attentari.

Claus. derog.

§.17. Non obstantibus quibuscumque litis pendentis, & aliis praemissis, ac quibusvis alii Constitutionibus, & Ordinationibus Apostolicis, necnon dictae Urbis, illiusque Tribunalium statutis, etiam juramento, confirmatione Apost. vel quavis firmitate alia roboratis, privilegiis quoque, exemptionibus, indultis, & literis Apost. quibuscumque locis piis, & dilectis filiis Populo Romano, illiusque Senatori, & Conservatoribus, ac eisdem S. R. E. Camera, Thesaurario, & dictae Camera Praesidentibus, & Clericis, exceptis causis spoliatorum, & aliis, ubi de interesse Camerae, five principaliter, five secundo, five alias quomodolibet ageretur, five illud detegi, & de eo agi posse videretur, Vicario, Gubernatori, Auditori Camerae, & aliis quibuscumque iudicibus, & Tribunalibus, ac Notariis praedictis, ac quibusvis aliis sub quibuscumque tenoribus, & formis, ac cum quibusvis etiam derogatoriarum derogatoriis, aliisque efficacioribus, & insolitis clausulis, irritantibus, & aliis decretis, etiam motu, scientia, & potestatis plenitudine paribus, ac consistorialiter in contrarium quomodolibet concessis. Quibus omnibus, & singulis, etiam si pro illorum sufficienti derogatione, de illis eorumque totis tenoribus, specifica, expressa, & individua, non autem per clausulas generales idem importantes, mentio, seu quavis alia expressio habenda, aut aliqua alia exquisita forma ad hoc servanda foret, illorum omnium, & singulorum tenores, ac si de verbo ad verbum infererentur, praesentibus pro expressis, & ad verbum insertis habentes illis alias in suo robore permanentibus, hac vice dumtaxat harum serie specialiter, & expresse motu, scientia, & potestatis plenitudine similibus derogamus, ac ad plenum derogatum esse, nec in aliquo obstare volumus, decernimus, & declaramus, ceterisque contrariis quibuscumque.

Denotatio Protectoris.

§.18. Insuper cum dicti Mons, illiusque Archiconfrat. post obitum bo. me. Antonii Mariae S. R. E. Card. Salviati nuncu-

pati, qui dum vixit Montis, & Archiconfrat. huiusmodi Protector fuit, protectore caruerit, & careat, Nos, ut Montis Archiconfrat. huiusmodi conservationi, bonoque regimini, & directioni opportunius consulatur, de aliquo ideo Protectore, qui iuxta cordis nostri desiderium, ac traditam sibi ab Altissimo prudentiam, dictum Montem illiusque Archiconfrat. pie, ac diligenter gubernet, & regat providere volentes, dilectum filium nostrum Petrum S. Nicolai in Carcere Diac. Card. Aldobrandinum nuncupatum, nostrum secundum carnem ex fratre Nepotem S. R. E. Camerarium, quem ob singularem eius fidem, & industriam, longo rerum usu, & experientia probatam, aliasque praecelas eius animi dotes cum pietatis, studio, & caritatis, & iustitiae zelo conjunctas, eidem Monti, illiusque Archiconfraternitati valde utilem futurum in Domino confidimus, Montis, & Archiconfraternitatis huiusmodi, illorumque bonorum, & rerum Protectorem, & defenso-rem, quoad vixerit, cum omnibus supra- dictis, & aliis eidem Protectori competentibus, & debitis facultatibus, privilegiis, & indultis, motu, scientia, & potestatis plenitudine paribus, facimus, constituimus, & deputamus. Mandantes in virtute sanctae obedientiae Montis, & Archiconfraternitatis huiusmodi Provisoribus, Officialibus, Archiconfratribus, & Ministris praedictis nunc, & pro tempore existentibus, quatenus eidem Petro Cardinali tamquam eorum Protectori omnino pareant, atque obedi-ant.

Publicationis effectus.

§.19. Volumus autem, quod praesentes literae a die illarum publicationis, omnes, & singulos quos illae concernant perinde ardeant, & efficiant, ac si illis, & eorum cuilibet personaliter intimatae fuissent.

Transumptis danda fides.

§.20. Quodque illarum transumptis etiam impressis manu Secretarii ipsius Montis, seu alicujus Notarii publici subscriptis, & sigillo dicti Montis, vel alicujus Praelati ob- signatis, eadem prorsus fides in iudicio, & extra illud adhibeatur, quae eisdem praesentibus adhiberetur, si forent exhibitae, vel ostense.

Dat. die 11. Junii 1602. An. XI.

Datum Romae apud S. Marcum, sub annulo Piscatoris, die 18. Julii 1602. Pont. nostri Anno XI.

CCLXXXIV.

Deputatio Commissarii pro componendis differentiis confinium inter Statum Ferrariae, & Statum Mantuae.

Ex Regest. in Secret. brev.

Dilecto filio Dominico Blondo V. J. D. Commissario Nostro.

CLEMENS PAPA VIII.

Dilecte filii salutem, & Apostolicam benedictionem.

Cum ad componendas differentias, quae super finibus inter Statum nostrum Ferrariae, & inter Statum Mantuae dilecti filii

fili nobilis viri Vincentii Mantuae, & Montisferrati Ducis temporali dominio subiectum vertuntur, aliquam personam fide, prudentia, doctrina, integritate, & experientia praestantem, quae cum alia persona ad hunc effectum a praedicto Vincentio Duce deputanda, seu forsan deputata conveniat, & ad loca differentiarum accedat, ipsaque differentias concordare curet, deputare decreverimus; Ad te, qui nunc Auditoris Generalis causarum civilium nostrae Civitatis Bononien. munere fungeris, ac de cujus fide, integritate, doctrina, ac in rebus agendis solertia, & dexteritate plurimum in Domino confidimus, direximus oculos nostrae mentis. Itaque Te nostrum, & Apostolicae Sedis ad praemissa peragenda Commissarium cum facultate, & auctoritate, omnia, & singula, quae ad huiusmodi differentias concordandas pro nostro, & eisdem Sedis honore, ac praedicti Status nostri Ferrariae, atque Status etiam Mantuae communi quiete, & commodo expedire cognoveris, faciendi, gerendi, & exequendi, nec non pro distinctione Agrorum Terminos, & testes lapideos inter utriusque Satus fines, in locis tibi, & Deputato dicti Ducis beneficiis, constituendi auctoritate Apostolica tenore praesentium constituimus, & deputamus. In contrarium facien. non obstantibus quibuscumque.

Deputatio, de qua in Rubrica.

Dat. die 24. Julii 1602. An. XI.

Datum Romae apud S. Marcum sub Annulo Piscatoris die 24. Julii 1602. Pontificatus nostri Anno Undecimo.

CCLXXXV.

Ex Regest. in Secret. brev.

Erectio Prioratus S. Agnetis extra moenia Urbis in Titulum Abbatiae pro Abbate eligendo ex Congregatione Canonico-regularium S. Salvatoris.

CLEMENS PAPA VIII.

Ad perpetuam rei memoriam.

Exordium.

Quae ad Ecclesiarum antiquarum, & insignium pristinum decorem, & dignitatem restituendam conducere dignoscimus, ea libenter concedimus, cum praesertim S. R. E. Cardinalium vota id exposcant, ac alias in Domino salubriter conspiciamus expedire.

Erectio, de qua in Rubrica.

§.1. Supplicationibus itaque Ven. fratris nostri Alexandri Episcopi Praenestini, S. R. E. Cardinalis Florentini, nuncupati Nobis humiliter porrectis inclinati, Prioratum Monasterii Sanctae Agnetis extra muros Urbis in via Nomentana, quod Monasterium, alias a fa. re. Sixto Papa IV. Anno Domini 1479. Monasterio S. Petri ad Vincula de Urbe Congregationis Canonico-regularium Sancti Salvatoris de Bononia Ordinis S. Augustini perpetuo unitum, & annexum, & a pie mem. Innocentio Papa VIII. Praedecessoribus Nostris de Anno 1489. confirmatum extitit, in titulum Abbatiae, quae posthac in perpetuum uni ex dictae Congregationis Canonico Abbati Monasterii Sancti Bull. Rom. Tom. V. Par. I.

et Agnetis nuncupando, ad instar aliarum Abbatiarum, Dignitatum, & Prioratum ejusdem Congregationis, & juxta regularia illius Instituta conferri, seu ipse Canonicos ad eandem Abbatiam eligi, & assumi debeat, auctoritate Apostolica tenore praesentium, sine tamen praedictio concessio- nis usus dicti Monasterii eidem Alexandro Episcopo Cardinali ad ejus vitam factae, necnon jurium dicti Monasterii Sancti Petri ad Vincula, quam, & quae salva esse volumus, perpetuo erigimus, & instituimus.

Privilegia Abbatum ad normam aliorum Abbatum eisdem Congregationis.

§.2. Ac pro tempore existenti Abbati ejusdem Monasterii Sanctae Agnetis, qui apud dictum Monasterium residere teneatur, ut omnibus, & singulis privilegiis, honoribus, prerogativis, praeminentiis, favoribus, gratiis, & Indultis, ac etiam voce activa, & passiva in Capitulis Generalibus, Congregationibus, & aliis actibus publicis, & privatis non solum ad instar aliorum Abbatum, Praepositorum, & Priorum ejusdem Congregationis, sed pariformiter, & aequae principaliter sine aliqua prorsus differentia, uti, ac frui possit, & valeat, concedimus, & indulgemus.

Clausula.

§.3. Sicque & non aliter per quoscumque dictae Congregationis Superiores, & alios Judices ordinarios, & delegatos, etiam causarum Palatii Apostolici Auditores iudicari, & definiti debere, ac irritum, & inane, quidquid secus super his a quoquam quavis auctoritate scienter, vel ignoranter contigerit attentari, decernimus.

Abbas & Prior Generalis, & Visitatoribus eligendus.

§.4. Insuper dilectis filiis Priori generali, & Visitatoribus ejusdem Congregationis Canonice, servata regularium suorum Institutorum forma, in Abbatem dicti Monasterii juxta tenorem praesentium eligere, & creare valeant, auctoritate, & tenore praedictis licentiam concedimus, & indulgemus.

Executores deputati.

§.5. Quocirca eidem Alexandro Episcopo Cardinali, necnon dilectis filiis ejusdem Congregationis apud Nos Protectori, & causarum Curiae Camerae Apostolicae generali Auditori per praesentes committimus, & mandamus, quatenus ipsi, vel duo, aut unus eorum, per se, vel alium, seu alios praesentes literas, & in eis contenta quaecumque, ubi, & quando opus fuerit, & quoties pro parte Prioris Generalis, ac Visitatorum ejusdem Congregationis, aut pro tempore existentis Abbatis dicti Monasterii Sanctae Agnetis fuerint requisiti, solemniter publicantes, illisque in praemissis efficacis defensionis praesidio assistentes faciant auctoritate nostra illos praemissorum omnium, & singulorum effectu pacifice frui, & gaudere, non permittentes eos desuper a quoquam quavis auctoritate quomodolibet indebite molestari: Contradictores quoscumque per censuras, & penas Ecclesiasticas, aliaque opportuna Juris, & facti remedia appellatione postposita compescendo, invocato etiam ad hoc, si opus fuerit, auxilio brachii secularis.

§.6. Non obstantibus fa. re. Bonifacii Nnn Pa-

1602.
Derogatio
contrarium

Pape VIII. Prædecessoris nostri de una, & in Concilio generali edita de duabus dietis, dummodo ultra tres dietas aliquis auctoritate præsentium ad iudicium non trahatur, aliisque Constitutionibus, & Ordinationibus Apostolicis, ac ejusdem Congregationis etiam Juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, Indultis, & literis Apostolicis in contrarium præmissorum quomodolibet concessis, confirmatis, & approbatis, ceterisque contrariis quibuscumque.

Dat. die 29.
Julii 1602.
An. XI.

Datum Romæ apud S. Marcum sub Annulo Piscatoris die 29. Julii 1602. Pont. nostri Anno Undecimo.

CCLXXXVI.

Prohibitio, iterataque damnatio operum Caroli Molinei hæretici, cum revocatione licentiarum illa legendi, & retinendi, quibuscumque etiam a supremis Inquisitoribus concessarum, & cum inhibitione, ne cuiquam de cætero, præterquam a Summo Pontifice, concedantur.

Aliorum librorum prohibitorum indicem, vel potius ejus approbationem, vide in Const. CXII. ut supra Sacrosanctum fol. 82.

CLEMENS PAPA VIII.

Ad perpetuam rei memoriam.

Apostolica Sedis auctoritati maxime convenit, & ad nostrum pertinet officium, accurate prospicere, ne impiorum hominum libris, ac monumentis, piorum mentes seducantur, aut quovis modo a via veritatis avocentur.

Caroli Molinei scripta, & commentaria, doctrinam perniciosam, & Catholicæ Fidei contrariam continere, & idcirco huius impii, & hæretici hominis in prima classe descripti opera omnia in Indice librorum prohibitorum tam per nostros Prædecessores Romanos Pontifices, quam etiam per Nos nuper edito, expresse, ac nominatim sub censuris, & pœnis in eo contentis prohibita, & interdicta fuisse, & attendentes etiam, sicut ad audientiam nostram pervenit, quamquam eorundem operum lectio, & retentio ab universis Christianissimilibus maxime vitanda sit;

Plurimi tamen hæretici prætextibus licentiarum illa tonendi extorserunt, & illique utuntur.

§.1. Nos itaque considerantes damnatæ memoriæ Caroli Molinei scripta, & commentaria, doctrinam perniciosam, & Catholicæ Fidei contrariam continere, & idcirco huius impii, & hæretici hominis in prima classe descripti opera omnia in Indice librorum prohibitorum tam per nostros Prædecessores Romanos Pontifices, quam etiam per Nos nuper edito, expresse, ac nominatim sub censuris, & pœnis in eo contentis prohibita, & interdicta fuisse, & attendentes etiam, sicut ad audientiam nostram pervenit, quamquam eorundem operum lectio, & retentio ab universis Christianissimilibus maxime vitanda sit;

§.2. Nihilominus a plurimis, & iis præsertim, qui utriusque juris scientiam profitentur, contra huiusmodi prohibitionem, dicti Caroli scripta, & commentaria, sub variis prætextibus, sive illa examinandi, & expurgandi, sive corrigendi, & emendandi, ut dicunt, sive etiam, ut illis utantur in iudiciis, & decisionibus causarum, & aliis eorum scriptionibus, frequenter legi, & retineri maximo cum eorundem, & aliorum animarum periculo, & sub his prætextibus varias licentias etiam a non-

nullis Episcopis, & aliis locorum Ordinariis, & ab Inquisitoribus temere, ac de facto, & etiam quandoque ab hac Sancta Sede, & a Venerabilibus Fratribus nostris S. R. E. Cardinalibus super Indice librorum prohibitorum deputatis, sive etiam interdum a Generalibus inquisitoribus sub præcepto, ut non nisi expurgatis, & cunctis erroribus deletis, uti possint, diversimode ab eisdem extortas, aut impetratas fuisse.

§.3. Propterea pro nostra Pastoralis sollicitudine cunctorum Christianissimorum animarum securitati, & saluti, quantum cum Domino possumus, consulere, & ne ipsi Christianissimæ mali hominis prava doctrina, & impietate fallantur, aut insiciantur, oportune providere volentes, pro potiori cautela, Motu proprio, & ex certa scientia, ac matura deliberatione nostris, hac nostra perpetua valitura Constitutione, omnia, & quæcumque prædicti Caroli Molinei Hæretici scripta, opera, & Commentaria, Beatorum Apostolorum Petri, & Pauli, ac nostra auctoritate de novo perpetuo damnamus, reprobamus, interdicimus, & anathematizamus, eorumque lectionem, & retentionem universis, & singulis Christianissimilibus, cujuscumque status, gradus, ordinis, conditionis, dignitatis, honoris, & præminentie, licet de illis specialis, & individua mentio habenda foret, existant, etiam sub excommunicationis lætæ sententia, aliisque censuris, & pœnis in Indice librorum prohibitorum contentis, ac etiam suspitionis ipsius hæresis, quantumvis scripta, opera, & commentaria ipsa jam quovis modo fuisse expurgata prætendant, districte perpetuo interdicimus, & prohibemus.

Hic autem Pont. ne dicta Caroli scripta Christianissimæ indiciantur de novo illa damnent, & interdici etiam si expurgata dicantur.

§.4. Et propterea omnes, & quascumque licentias quibusvis personis, tam ab Ordinariis locorum, quam etiam ab ipsis Cardinalibus super dicto Indice deputatis, ac supremis S. Universalis Inquisitionis contra hæreticam pravitatem Inquisitoribus, ac a Nobis, & Apostolica Sede quomodolibet concessas legendi, & retinendi libros ejusdem Caroli Molinei, etiam sub alio nomine inscriptos, vel expurgatos, cum non aliter quam igne expurgari possint, revocamus, cassamus, & annullamus. Inhibentes omnibus, & singulis prædictis, ne de cætero huiusmodi licentias cuiquam concedant, vel impertiantur. Quinimmo omnem facultatem concedendi huiusmodi licentias retinendi, vel legendi opera huius impii Auctoris, ex quacumque causa, & sub quovis prætextu, & colore, quibuscumque personis quavis auctoritate etiam Apostolica suffultis, & quacumque dignitate præditis, etiam ipsismet Cardinalibus super Indice librorum prohibitorum deputatis, ac supremis Inquisitoribus prædictis adimimus, eamque Nobis, & Successoribus nostris Romanis Pontificibus tantum reservamus.

Licentias quascumque revocat, & eas de cætero dari prohibet, etiam a Card. deputatis super Indice, & Inquisitor.

§.5. Cassantes insuper, & irritantes quascumque licentias etiam a Nobis, & a Successoribus nostris Rom. Pont. concessas, & im-

Easque a Papa concedendas, & subscribendas esse decernit.

CCLXXXVII.

Declarat prædictam prohibitionem.

Mandat opera huiusmodi Ordinariis, vel Inquisitoribus consignati, & ab eis comburi.

Hanc Constitutionem publicari jubet.

Contraria non obstat decernit.

Dat. die 21. Augusti 1602. An. XI.

& imposterum concedendas, quæ manu nostra, aut Successorum prædictorum subscriptæ non fuerint.

§.6. Per hanc tamen prohibitionem non intendimus retentionem librorum juris Canonici, & aliorum Catholicorum Auctorum habentium additiones, seu apostillas, ut vocant, huius impii hominis, ipsis tamen additionibus, seu apostillis omnibus prorsus deletis, prohibere.

§.7. Postremo sub censuris, & pœnis prædictis, omnibus, & singulis Christianissimilibus per Apostolica scripta mandamus, quatenus intra mensem a publicatione præsentium in locis, per quæ eadem ad eorum notitiam pervenire possint, facienda computandum, omnia, & singula scripta, opera, & Commentaria prædicta Caroli Molinei realiter, & cum effectu locorum Ordinariis, vel Inquisitoribus exhibeant, & consignent. Ipsi vero locorum Ordinariis, vel Inquisitoribus, ut illa statim nulla interposita mora, aut expectata licentia igne comburant, & comburi faciant.

§.8. Ut autem præsentis nostræ literæ ad omnium notitiam facilius deveniant, & ne earum ignorantia quemquam excuset, volumus, & eadem auctoritate decernimus, ut earum transumptis, etiam impressis, manu alicujus Notarii publici subscriptis, & sigillo alicujus personæ in dignitate ecclesiastica constitutæ munitis, eadem fides in iudicio, & extra adhibeatur, quæ præsentibus ipsis haberetur, si essent exhibitæ, vel ostense: utque eadem præsentibus ad valvas Basilicæ Principis Apostolorum, & in acie Campi Floræ affixæ, & publicatæ, omnes ita ardeant, & afficiant, perinde ac si omnibus, & singulis intimatæ fuissent. Quocirca Venerabilibus Fratribus Patriarchis, Archiepiscopis, Episcopis, ac aliis locorum Ordinariis, per eadem scripta mandamus, ut easdem præsentibus quisque ipsorum in suis Civitatibus, & Diocæsisibus publicari, & observari curent, ac faciant, & contra inobedientes quoscumque ad declarationem incursum pœnarum, & censurarum prædictarum irreversibiliter procedant.

§.9. Non obstantibus Constitutionibus, & Ordinationibus Apostolicis, ac quibusvis privilegiis, & indultis, ac literis Apostolicis in contrarium præmissorum quomodolibet concessis, confirmatis, & approbatis, ceterisque contrariis quibuscumque.

Datum Romæ apud Sanctum Marcum, sub annulo Piscatoris, die vigesima prima Augusti 1602. Pontificatus nostri anno Undecimo.

Præfinitio habitus coloris carulei, quem deferre debent Religiosi Congregationis Canonico-rum secularium S. Georgii in Alga Venetiarum.

Institutionem huius Congregationis, & aliam respicientia, vide in Gregorii XII. Constit. II. Illis Tom. III. Par. II. fol. 405.

CLEMENS PAPA VIII.

Ad perpetuam rei memoriam.

Que ad Religiosorum antiquum institutum conservandum provide ordinata fuisse dicuntur, ea, cum a nobis petuntur, Apostolici muniminis firmitate libenter communimus, prout in Domino conspicimus salubriter expedire.

§.1. Exponi siquidem Nobis nuper fecit dilectus filius Generalis Congregationis S. Georgii in Alga Venetiarum, quod per undecim Patres deputatos, Capitulum generale ejusdem Congregationis repræsentantes, communibus votis resolutum fuit, ut tolleretur abusus inter Religiosos dictæ Congregationis introductus, interessendi divinis Officiis in Choro, in Ecclesia, in processionibus particularibus, & aliis locis publicis, cum sola tunica alba, veluti contraria institutis, & habitui antiquo ejusdem Congregationis. Et propterea deinceps Religiosi deberent ubique, & in omni tempore, & præsertim Domi, in Monasteriis, & locis ejusdem Congregationis deferre Togam coloris carulei, Pallandam nuncupatam, juxta Constitutiones ejusdem Congregationis, & ad instar illius, quam deferrebat B. Laurentius Justinianus, ejusdem Congregationis institutor. Ut autem nullo tempore imposterum prædictæ resolutioni, seu decreto prædictorum undecim Patrum deputatorum contraveniatur, idem Generalis totius Congregationis prædictæ nomine, nobis humiliter supplicari fecit, ut illud Apostolica auctoritate perpetuo confirmare, de benignitate Apostolica dignaremur.

§.2. Nos igitur, qui juxta petentium votis nostrum non denegamus assensum, Generalem, & singulares Religiosos dictæ Congregationis, a quibusvis excommunicationis, suspensionis, & interdicti, aliisque ecclesiasticis sententiis, censuris, & pœnis, a jure, vel ab homine, quavis occasione, vel causa latis, si quibus quomodolibet innodati existant, ad effectum præsentium dumtaxat consequendum, harum serie absolventes, & absolutos fore censentes, huiusmodi supplicationibus inclinati, ex voto venerabilium fratrum nostrorum Sanctæ Romanæ Ecclesiæ Cardinalium, super consultationibus, & negociis Episcoporum, & Regularium deputatorum, decretum. Capituli Generalis prædictum, ut scilicet omnes, & singuli dictæ Congregationis Religiosi Togam, Pallandam nuncupatam, coloris carulei deferre, ut præmissum est, teneantur, auctoritate Apostolica tenore

Exordium.

Decretum Congregationis, quod sui Religiosi deferant togam coloris carulei prout B. Laurentius Justinianus Congregationis fundator deferrebat.

Approbatio huius Pontificis ex voto Cardinalium.

praesentium, perpetuo confirmamus, & approbamus, ac illud per dictos Religiosos inviolate observari debere decernimus, & declaramus.

§.3. Non obstantibus Constitutionibus, & Ordinationibus Apostolicis, ac ipsius Congregationis, etiam juramento, confirmatione Apostolica, vel quavis firmitate, alia roboratis statutis, & consuetudinibus, privilegiis quoque, indultis, & literis Apostolicis in contrarium praemissorum quomodolibet concessis, confirmatis, & approbatis; ceterisque contrariis quibuscumque.

Datum Romae apud S. Marcum, sub Annulo Piscatoris, die 22. Augusti 1602. Pontificatus nostri Anno XI.

CCLXXXVIII.

Reductio Provincialis, & Fratrum Tertii Ordinis S. Francisci Provinciae Dalmatiae, & Justinopolitan. ad obedientiam, & subjectionem Vicarii generalis ejusdem Ordinis.

De hoc Ordine vide in Const. XLVII. Leonis X. Inter Tom.III. Par.III. fol.497.

CLEMENS PAPA VIII.

Ad perpetuam rei memoriam.

Pro nostri Pastoralis muneris debito, ad ea libenter intendimus, sper quae Religiosorum prospero regimini, & gubernio opportune consulitur, prout in Domino salubriter conspiciamus expedire.

§.1. Cum itaque sicut accepimus, dilecti filii Provinciales, & Fratres Tertii Ordinis S. Francisci Provinciae Dalmatiae, & Justinopolitan. nulli alteri Superiori obediant, sed dicti Fratres eorum Provinciales per vota secreta pro tempore electo tantummodo subsint, nec alium Superiorem agnoscant.

§.2. Nos prospero regimini, & gubernio dictorum Fratrum valde expedire considerantes, ut ipsi, eorumque Provincialis, Vicario, & Visitatoribus Generalibus Ordinis praedicti Provinciae Italiae subiciantur, ac eorum superioritati, visitationi, & correctioni, prout alii Fratres Italiae praedicti Ordinis, de cetero subiaceant, ac praedictis Fratribus Italiae, sub eisdem Generalibus Superioribus uniantur, ac propterea in praemissis opportune providere volentes, supplicationibus etiam pro parte dilecti filii Bernardi Sabbiae Fratris, & Procuratoris Generalis ejusdem Ordinis, nobis super hoc humiliter porrectis inclinati.

§.3. Provinciales, & Fratres Tertii Ordinis S. Francisci Provinciae Dalmatiae, & Justinopolitan. praedictis Vicario, & Visitatori generali Tertii Ordinis S. Francisci hujusmodi Italiae, auctoritate Apostolica tenore praesentium perpetuo subijcimus, illosque sub hujusmodi Vicarii, & Visitatoris generalis obedientia, Fratribus ejusdem Ordinis Italiae unimus.

§.4. Ac eisdem Provinciali, & Fratribus Dalmatiae, & Justinopolitan, ut omnibus, & singulis gratiis, privilegiis, indultis, favoribus, concessionibus, praerogativis, & indulgentiis. necnon voce activa, & passiva in Capitulis generalibus, & in electione Vicarii, & Visitatoris generalis hujusmodi, ad instar Provincialium, & Fratrum Italiae ejusdem Ordinis, sine aliqua prorsus differentia respective, uti, potiri, & gaudere possint, & valeant, ac debeant, auctoritate, & tenore praedictis concedimus, & indulgemus.

§.5. Mandantes propterea in virtute sanctae obedientiae Vicario, & Visitatori Generali praedicto, ut Provinciales, & Fratres praedictos Provinciae Dalmatiae, & Justinopolitan. sub ejus curam, & gubernium benigne recipiat, & ea, qua decet caritate, prosequatur.

§.6. Ipsi vero Provinciali, & Fratribus, ut praedicto Vicario, & Visitatori Generali obedientiam, & reverentiam debitas, & devotas prompte praesent, & exhibeant, illumque debita honorificentia prosequantur; alioquin sententiam, sive poenam, quam ipse Vicarius, & Visitator Generalis rite tulerit, seu statuerit in rebelles, ratam habebimus, & faciemus, auctore Domino, usque ad satisfactionem condignam inviolabiliter observari.

§.7. Non obstant. praemissis, ac Constitutionibus, & Ordinationibus Apostolicis, necnon ejusdem Ordinis, ac dictae Provinciae Dalmatiae, & Justinopolitan. etiam juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & literis Apostolicis eidem Provinciae Dalmatiae, ejusque Provinciali, & Fratribus in contrarium praemissorum quomodolibet concessis, confirmatis, & approbatis, quibus omnibus, & singulis, eorum tenores praesentibus pro expressis habentes, hac vice dumtaxat specialiter, & expresse derogamus; ceterisque contrariis quibuscumque.

Datum Romae apud S. Marcum, sub Annulo Piscatoris die 2. Septembris 1602. Pontificatus nostri Anno XI.

CCLXXXIX.

Declaratio, quod Fratres Minores S. Francisci strictioris Observantiae, non sunt novae Regulae professores, sed Regulae S. Francisci veri observatores.

Alia de istis Fratribus vide in Const. XLIII. Clement. VII. In suprema Tom.IV. Par.I. fol.100. ubi legitur eorum Congregationis approbatio.

CLEMENS PAPA VIII.

Ad perpetuam rei memoriam.

EX inuncto nobis Apostolici muneris debito, ad ea libenter intendimus, per quae regularis observantiae professorum Re-

Istos monet ut eos benigne recipiant.

Illos vero, ut istis omnino obediant.

Contrariisque omnibus derogat.

Dat. die 2. Septem. 1602. An.XI.

Proeminiam.

Reformatorum statui, & consentiae securitati opportune consulatur; ut, & ipsi professores, uberius in Ecclesia militanti fructus afferant, & eorum Religio majora in Domino suscipiat incrementa.

Fratres Reformati de Observantia dicebantur non servare Regulam S. Francisci ex his narratis.

§.1. Cum itaque sicut accepimus, a nonnullis aliquando oppositum fuerit, dilectos filios professores Ordinis Fratrum Minorum S. Francisci de strictiori Observantia, Reformatos nuncupatos, qui juxta Constitutiones Romanorum Pontificum Praedecessorum Nostrorum, ac etiam nostram sub dat. Tusculi die 12. Octobris, Pontificatus nostri Anno quinto novissime editam, sub obedientia Custodum degunt, eorumque Superiores, Custodes, & non Ministros appellant, propterea non satisfacere Regulae a beato Francisco editae, & per Sedem Apostolicam saepius confirmatae, & approbate, juxta cuius literam, sub obedientia Ministrorum vivere videntur obligati. Cumque etiam asseratur, dictos Fratres Reformatos contra dictam Regulam agere, ac graviter, & contra votum professionis, praesertim obedientiae, delinquere, ac exinde perturbationes, & incommoda patiuntur.

Hic ideo Petrus eos vere observatores d. Regulae esse declarat.

§.2. Nos eorumdem Fratrum Reformatorum quieti, tranquillitati, & indemnitati prospicere, atque eisdem adversus hujusmodi molestias, & calumnias tueri, ac omnem super praemissis ambiguitatem e medio tollere volentes, quarumcumque Constitutionum, & praesertim nostrae supradictae, super reformatione dicti Ordinis editarum tenores praesentibus pro expressis habentes; Motu proprio, & ex certa nostra scientia, ac de Apostolica potestate plenitudine, harum serie decernimus, & declaramus, supradictos Fratres Reformatos, qui non novam, sed eandem Regulam, quam Beatus Franciscus condidit, & felicitis recordationis Honorius Papa Tertius Praedecessor noster confirmavit, quamque etiam Fratres de familia nuncupati Ordinis Minorum de Observantia observant, licet ipsi Reformati purius, & juxta ipsius Regulae literam declaratam per recolendae memoriae Nicolaum Tertium, & Clementem Quintum Romanorum Pontifices etiam Praedecessores Nostros, observent, sub obedientia Custodum, quibus per supradictas Romanorum Pontificum, & praesertim nostram, constitutiones subiecti fuerunt, praedictae Regulae Sancti Francisci, & praecipue in ea parte, ubi sunt illa verba: Praecipio firmiter Fratribus universis, ut obediant suis Ministris, plene, pure, & integre, & absque ulla dispensatione in voto obedientiae: ita satisfacere, sicut faciunt dicti Fratres de familia sub obedientia eorum Ministrorum degentes, qui a Custodibus solo nomine differunt, & ipsis Fratribus Reformatis Ministrorum loco praesunt, ipsosque Reformatos, veros filios, & indubitatos fratres Ordinis Sancti Francisci, & in conscientia tutos existere.

Gratiasque, & privilegia Fr. Min. de Observantia.

§.3. Necnon in omnibus eorum Monasteriis, Locis, Domibus, Oratoriis, & Ecclesiis, quas nunc obtinent, & in poste-

rum quovis modo, vel titulo obtinebant, tam in Italia, quam extra ubique locorum, praesertim in Gallia, omnibus, & singulis privilegiis, gratiis, & indultis, tam spiritualibus, quam temporalibus, ac praedictis, in processibus, in funeralibus, ac in concursu cum aliis Religionibus, in concionibus certis tempore, & loco vicissim habendis, & in omnibus aliis actibus publicis, & privatis, quibus dicti fratres de familia in eorum Monasteriis, Ecclesiis, domibus, & locis, ac rebus, tam de jure, quam ex consuetudine, vel alias frui, potiri, & gaudere solent, & possunt, ac poterunt quomodolibet in futurum, sine aliqua differentia frui, potiri, & gaudere posse, ac debere: dummodo tamen strictiori observantiae dictorum Fratrum Reformatorum, prout in nostris literis praedictis disponitur, non adversentur.

§.4. Mandantes insuper in virtute sanctae obedientiae omnibus, & singulis cuiuscumque qualitatis, dignitatis, seu conditionis existant, ad quorum notitiam praesentes nostrae pervenerint, ut nullus in posterum praedictos Fratres Reformatos appellare audeat, seu praesumat novos Religiosos, aut novae Regulae professores. Sicque & non aliter per quoscumque Judices ordinarios, & delegatos, quavis auctoritate fungentes, etiam causarum Palatii Apostolici Auditores, ac Sanctae Romanae Ecclesiae Cardinales iudicari, & definiti debere, ac irritum, & inane, quicquid secus super his a quoquam quavis auctoritate scienter, vel ignoranter contigerit attentari.

Clausula.

§.5. Quocirca Venerabilibus Fratribus Patriarchis, Archiepiscopis, Episcopis, & aliis locorum Ordinariis per praesentes committimus, & mandamus, quatenus quicumque illorum, per se, vel alium, seu alios praesentes literas, & in eis contenta quaecumque ubi, & quando opus fuerit, & quoties pro parte dictorum Fratrum Reformatorum fuerint requisiti, solemniter publicantes, ipsique Fratribus Reformatis in praemissis efficacis defensionis praesidio assistentes, faciant auctoritate nostra illos eorumdem praemissorum effectu pacifice frui, & gaudere, non permittentes eos desuper a quoquam quavis auctoritate quomodolibet indebite molestari. Contradictores quoscumque per censuras, & poenas Ecclesiasticas, aliaque opportuna juris, & facti remedia, appellatione postposita compescendo: invocato etiam ad hoc, si opus fuerit, auxilio brachii saecularis.

Executores deputat.

§.6. Non obstantibus quibusvis Constitutionibus, & Ordinationibus Apostolicis, ac omnibus illis, quae Nos in Constitutione nostra praedicta volumus non obstare; ceterisque contrariis quibuscumque.

Clausulas derogatorias apponit.

§.7. Volumus autem, ut praesentium transumptis etiam impressis, manu alicujus Notarii publici subscriptis, & sigillo alicujus personae in dignitate Ecclesiastica constitutae munitis, eadem prorsus fides adhibeatur, quae ipsis originalibus literis adhi-